

Udin capitâl de gjinastiche ritmiche

Passe tresinte zovinis atletis di 12 Paîs tun torneu al Palaprexta

Il PalaPrexta di Udin al torne a dâ acet, di vinars ai 2 a domenie ai 4 di Fevrâr, a une selezion des miôr atletis dai “piçui imprescj” a nivel globâl. Al torne inte capitâl furlane il tant spietât Torneu internazionâl par club di gjinastiche ritmiche inmaneât de **ASU**-Associazione sportive Udin, nomenât “*International GR Tournament Swirl and Twirl*”, un dai sponsors tecnics de societât. Inte sede de ASU a rivaran passe 300 atletis (e ancje 33 tecnics e 24 uficiâi di gare) di 45 club diviers che a

vegnin di 12 Paîs: tra chescj, Spagne, Australie, Cile, Moldavie, Lituania, Slovachie, Gjermanie, Montenegro, Sant Marin, Serbie e Cravuzie.

Il torneu al ufrîs la pussibilitât di competi in 28 categoriis diviersis par fassis di etât (dai 8 ai 25 agns) e trê nivei tecnics. A son tancj i grups talians presints, intune cun diviersis gjinastis che a fasaran ancje il campionât di serie A che al ven, che al tacarà ae metât di Fevrâr. No mancjaran lis atletis blancjis e neris che a puartin adalt i colôrs de ASU. (a.i)



Ludovica Palermo, Ginevra Finotto, Anna Braidotti, Adele Asquini e Matilde Marcon